



## ԽՈՐԵՆ ՊԱԼՅԱՆ

### ՀՈՎՀԱՆ ՕՋՆԵՑՈՒՆ ՎԵՐԱԳՐՎՈՂ ՇԱՐԱԿԱՆՆԵՐԸ

«Հմուտ և տեղեակ գոյով քերթողական շարագծաց՝ մասանց բանի և մասնականաց, սա ամենայն քաջողջութեամբ զինքն տուեալ՝ աշխատասիրաբար կըրթական ջանիւ զինքն՝ զինքն յերգս հոգևորս...»:

ՆԵՐՍԵՍ ՇՆՈՐՀԱԼԻ

Հայաստանյայց Առաքելական Ս. Եկեղեցւոյ լուսեղեն պոետերից՝ Հովհան Օճնեցուն են վերաբերում Ն. Շնորհալի մեծ Հայրապետի այս տողերը:

Հովհան Օճնեցի Իմաստասեր Հայրապետի բացառիկ անհատականությունը ներբողել են նաև բազմաթիւ մատենագիրներ:

Հայ ժողովրդի անիշխանության դժնդակ մի ժամանակաշրջանում բարձրանալով Լուսավորչի գահին, նրա հովվապետության 11 տարիները եղել են արգասավոր հայ ժողովրդի գոյության և Հայաստանյայց Եկեղեցւոյ ուղղափառ և ճշմարիտ դավանության պահպանման ի խնդիր՝ մաքառումի և համակ պայքարի տարիներ: Մաքառում՝ որը կուգակցել է իմաստուն Հայրապետի՝ գրով, բանիւ և գործով:

Մեր սույն հոդվածի նպատակն է ներկայացնել բազմաթիւ Հայրապետի գործունեության մեկ այլ բնագավառը, այն է՝ քըննության առնել նրան վերագրված հոգևոր երգերն ու շարականները:

Ասենք նաև, որ հավակնություն . չունենք նորագույն փաստերով ապացուցելու հիշյալ շարականների հեղինակի հարցը, այլ, հենկելով պատմական հայտնի փաստերի և եկեղեցական ավանդությանց վրա, խոսելու ենք այդ շարականների լեզվաոճական, բառապաշարային և մեղեդային մի քանի առանձնահատկությունների շուրջ:

Հայ հոգևոր երաժշտության պատմության մեջ VII—VIII դարերը տվել են երեք նշանավոր շարականագիր հայրապետներ՝ Կոմիտաս Աղցեցի, Սահակ Չորափորեցի և Հովհան Օճնեցի:

Նախ անհրաժեշտ ենք համարում, խնդրո առարկա շարականներից բացի, անդրադառնալ մեր շարականների հեղինակներին ընդհանրապես:

Հայտնի է, որ մինչև 13-րդ դար շարականների հեղինակների մասին պատմական հավաստի աղբյուրներ բացակայում են: Ուստի հաճախ, որոշ երգեր, շարականներ և կամ կանոններ ավանդաբար վերագրվել են այս կամ այն հեղինակին:



Սկսած 13-րդ դարից, մի քանի գրիչներ կապվել են շարականագիրների անվանացանկ՝ չափածո կամ արձակ, որոնցում ցույց են տալիս, թե ո՞ր շարականը ո՞վ է հորինել: Այս խմբագրություններում հաճախ հանդիպում ենք տողերի, որտեղ գրիչը երկվություն է դրսևորում այս կամ այն շարականի հեղինակի հարցում:

Մեզ են հասել մի քանի նման խմբագրություններ: Ստորև ներկայացնում ենք Գրիգոր Տաթևացու խմբագրությունն ամբողջությամբ, իսկ մյուսներից քաղվածաբար մեջ կբերենք մուտքի տողերն ու ապա Հովհան Օձնեցուն վերաբերող տողերը: Հիշյալ խմբագրությունները, որոնցից կատարել ենք մեր մեջբերումները, գտնվում են Հ. Անասյանի հայկական մատենագրությունը գրքում<sup>1</sup>:

Գրիգոր Տաթևացու խմբագրությունը գտնվում է Մաշտոցի անվան Մատենադարանի № 813, 818, 855, 856, 918, 3104, 3106 ձեռագիր ժողովածուներում, ինչպես նաև Տաթևացու «Հարցմանց Գիրք»-ի 637—638 էջերում:

«Վասն շարականաց թե ո՞վ ոք է ասացեալ.

Որք զծորանս հոգւոյն արբին և ի ժամանակս ժամանակս երգեցին յեղանակաւ երգս շարականաց՝ այսոքիկ են.

Նախ Մեծն Մեսրոպ՝ վկարգն Ապաշխարութեան. եւ Սուրբն Սահակ վառագ շաբաթենն:

Մեծն Մովսէս քերթողն զԾննդեանն և զՄեծացուցեքն, և զՏեառն-ընդառաջին, և զփոխման առաջին պատկերն: Այլ և վկարգն Ֆարութեան սորա է ասել Մեծն Վարդան ի տեսութիւն Անթառամ ծաղկին, իսկ այլք ասեն թէ Անանիա Շիրականին է ասացեալ:

Եւ զՊենդակոստէին, և զՎարդափառին, և զսուրբ Գրիգորին, և զՅովնանուն, և զՄարգարէիցն, և զՎարդապետացն, և զԱռաքելոցն, և զԹագաւորացն և զԱնտոնին, զայս ամենայն ոմանք Անանիայի տան և ոմանք Խորենացուն:

ՉՄեղաք յամենայնին, և վկարգ մեծ տօներին՝ Յոհան Ռձնեցին:

ՉՀոփսիսմեանց Անձինքն և զհարցն՝ տէր Կոմիտասն: Եւ զԱնակիւքն՝ Յոհան Մանդակունին, և այլք ասեն թէ Ռձնեցին:

ՉՀանգստեանն և զմարտիրոսացն, Պետրոս Գետադարձն, և զբալումս ի մանկանցն: ՉԴաշին և զԵկեղեցւոյ՝ Սահակն որ գնաց ընդդէմ Տաճկաց: ՉՁորս ըստ պատկերին՝ Գրիգոր Մագիստրոսն:

ՉԱնագ օրհնութիւնքն զէ ձայնին Ստեփա-

նոս Սիւնեցին: Եւ զվառին Ներսէս Կլայեցին, այլն զԱղցից Կիւրակէին, և զՆինուէացոյն, և զԾաղկապարդի հարցն, և զՀոգւոյ գալըստեան Դ պատկերն, և զվարդափառի Բ պատկերն, և զփոխման Բ պատկերն, զՀրեշտակապետացն, զԵթանասնիցն, զՂևոնդեանցն, զՄարգարէից ԴՉ հարցն, և զՅովհաննոս ԴՉ հարցն, զՆորահրաշն, զՆայեա սիրովն, զԻքէն հայցեմքն, զԱրևազալի շարականներն, զօրհնեմք զքեզն, զԱյսօր անձառն, զԱրարչակներն, զԱստուած անեղն, և յոմանց լուաք թէ զսուրբ Յակոբին այլ զայս ամենայն Մեծն Ներսէս է ասացեալ Կլայեցին: Իսկ զԱյսօր յարեան, զՆորոգեալ կղզիքն, զԹոռանցն՝ Ներսէս Լամբրոնացին:

Իսկ զՆորհուրդն անձառ, և զՄեծահրաշն Գրիգոր Վկայասէրն: Իսկ զԱրեգականն՝ Գրիգոր Սկեռացին: Չերգեցեքն՝ տէր Յակոբ Կլայեցին: Եւ զոր Նախիմացն, զի յանաւան ծովէն և զԹարգմանչաց օրհնութիւնըն, և զսուրբ Սարգսի օրհնութիւնն՝ Վարդան վարդապետն: Իսկ զՆերսէսին Մեծի, և զՆոտաճարակացն՝ Յօհաննէս Պոյսն:

Եւ զՂևոնդեանց մանկունքն ԴՉ՝ Սարկաւագ վարդապետն որ ի Հաղբատ: Եւ զՍրբութիւն սրբոցն խաչի՝ Ստեփաննոս Սիւնեցին: Այսքան շարականս ընդունելի է յեկեղեցի, և աւելին քան զայս՝ խոտելի է և անպիտան»<sup>2</sup>:

Շարականների հեղինակների մասին մեզ հասած ամենաիին աղբյուրը ոմն Սարգիս Երեցի խմբագրությունն է՝ կապված 13-րդ դարում:

Այդ ձեռագիրը պահվում է Մաշտոցի անվան Մատենադարանում և ունի 2092 համարանիշը<sup>3</sup>:

Յաղագս որոյ, թէ հին և նոր շարականք և երգերն յումմ ասացան:

Որք զծորանս հոգւոյն սրբո արբին յիմանալի աղբիւրէն, երգեցին ի ժամանակս ժամանակս...

Չծննդեանն Մովսէս Բերթողն ասաց:

Չփոխմանն առաջի աւուրն, զվարդափառին առաջի աւուրն, զմարգարէից հինն մինչ ի մեղաք յամենայնին Յոհան Մանդակունեցին սուաց.

Չմեղաք յամենայնին Յոհան Անձնեցին ասաց...»<sup>4</sup>:

Հետաքրքիր է նշել, որ Սարգիս Երեցի որոշ վերագրումներ չեն համապատասխանում ինչպես Տաթևացու, այնպես էլ մյուս խմբա-

<sup>2</sup> Հ. Անասյան, Հայկ. մատենագիտություն. LXVI—I XVII:

<sup>3</sup> Տես Յուզակ ձեռագրաց, հատոր I, էջ 717: Ձեռագրերի ուղղագրությունը պահպանել ենք նույնությամբ:

<sup>4</sup> Տես Հ. Անասյան, Հայկ. մատենագիտություն, Ա. հատոր, նույն տեղում:

<sup>1</sup> Հ. Անասյան, Հայկական մատենագիտություն, Ա. հատոր, էջ LXV:



գրությունների վերագրումներին: Ինչպես տեսանք, Սարգիս Երեցը չի նշում ավագ տոները, որոնք մնացած խմբագրություններում նշվում են Օձնեցու անվան դիմաց:

Այս հեղինակի անվանացանկում Չողորմէքն ապաշխ. Բենիկ վարդապետն է ասել. մինչդեռ այդ ողորմյաները մյուս խմբագրություններում միասնաբար վերագրվում են Սաշտոցին:

Սարգիս Երեցը հիշում է նաև Յովհաննէս Գառնեցու անունը իբրև շարականագիր և որին վերագրում է «Չիստուս Միածին քաղցր և Գ. սուրբ հաւրն...» շարականները, որոնք բացակայում են ոչ միայն կանոնական շարականներում, այլ նաև պարականոններում:

Առանձին արժեք է ներկայացնում նաև Սարգիս Երեցի հաճախ մեջբերած հին կամ նոր հորջորջումը այս կամ այն շարականի մասին:

Այս մասին չենք ուզում ավելի ծավալվել, որովհետև այն մեր նյութից դուրս է:

17—18-րդ դարերից մեզ է հասել նաև մի անանուն խմբագրություն՝ ըստ 1815 թվականին Կ. Պոլսում տպված շարակնոցի. սկսվում է ավանդական դարձած ձևով. «Որք զծորանս հոգւոյն արբին և ընդ ժամանակս ժամանակս երգեցին զեղանակաւոր երգս շարականաց.

Նախ սուրբն Իսահակ և սուրբն Մեսրոպ ասացին զուրն եղանակաւոր ձայնն և զերկու ձայն ստեղիս:

....Սուրբն Յոհան Ուձնեցի Իմաստասէրն՝ զկարգ մեծ տօնիցն...:

....Յոհան Մանդակունին՝ զԱնսկիպն Բաւրն Աստուած՝ զհամբարձին, զոր ոմանք իձնեցուն տան...»:

Այստեղ չի նշված Օձնեցուն վերագրվող հիմնական հարցի շարականը՝ «Մեղաք յամենայնին», իսկ Հռիփսիմյանց նշանավոր մանկունքը, որը, ի միջի այլոց, նույնպես Անձինք է և բաղկացած է 10 տներից, ոմանք վերագրել են Օձնեցու գրչին: Այդ կարծիքին է նաև Մ. Օրմանյանը<sup>5</sup>:

Ըստ Ստեփաննոս Զիգ Չուղայեցու խմբագրության.

«Ի տէր Ստեփաննոսէ գիտնական քահանայէ ասացեալ սակաւ ոտանաւորս յաղագս շարականաց թէ յումմէ են երգեալ»<sup>6</sup>:

Չուղայեցու այս «Սակաւ ոտանաւոր»-ը գրված է չափածո, գեղեցիկ ու վսեմ հայերենով և բաղկացած է 28 քառատող տներից: Այս ոտանավորի 16-րդ քառատողը վերաբերում է Օձնեցուն:

«Ձաւագ տօներն ամենակի

Մեծ Յովհաննէս այն Օձնեցին,  
ըզՀռիփսիմեանց զհարցն և զԱնձինքն,  
Տէր Կոմիտաս սրբաւոյցին...»:

Հեղինակի «ամենին» արտահայտությունը չույց է տալիս, որ նա Օձնեցուն է վերագրում չորս «Աւագ» տների ամբողջ երգաշարքը:

Հաջորդ խմբագրությունը պատկանում է Հակոբ Սսեցու գրչին: Եղածների մեջ ծավալով սա ամենաընդարձակն է, բաղկացած է 35 քառատող տներից, չափածո է և իբրև ծայրակապ ունի՝

«Յակոբ վարդապետ Սսցո խնդրէ Յոհան Երեց»: Սկսվում է այսպես. «Ռտանաւոր վաւրն ցուցանելոյ զերգող շարականացս յոգեալ ըստ նախագիծ տանց»:

Ռտանավորն սկսվում է ըստ Շարակնոցի կանոնների հերթականության, առաջինը հիշատակվում է Հակոբ Սսեցի կաթողիկոսը, որը, ինչպես հայտնի է, հորինել է Աստվածածին ծննդյան «Երգեցեք որդիք» շարականը՝ իր սարքով: Իսկ Օձնեցու վերաբերյալ քառատողում կարդում ենք՝

«Չչորս աւագ տօներն Օձնեցին...:

Ձեթանասնիցն Կայեցին...»:

Նախորդ խմբագրությունների համեմատ Սսեցու այս ոտանավորում կան շատ կանոնական շարականներ, որոնք չեն հիշվում նախորդ հեղինակների մոտ:

Մեզ է հասել նաև շարականների հեղինակների մասին մի այլ ոտանավոր՝ որի հեղինակը, ինչպես ցույց է տալիս ծայրակապը, Առաքել Սիւնեցին է: Չարմանալի է, որ Սյունեցին չի հիշատակում Օձնեցու անունը իր 13 տներից բաղկացած չափածո ներբողի մեջ:

«Յառաքել Սիւնեաց վարդապետէ շինեալ ոտանաւոր շարականաց արարողաց»<sup>7</sup>:

Ռտանավորի սկզբնատառերը կապմուն են՝ «Առաքել վարդապետէ այս բան»: Հարկ ենք համարում մեջբերել մեկ քառատող իբրև նրմուշ Սյունեցու վերոհիշյալ ոտանավորից.

10. «Այլ և Յոհան Եզրնկացին,

Որ մականուամբ Պըլուպ ասին,

Յորս և այլ ոք ի կարգ սոցին,

որ ոչ գիտեմք զանուանս նոցին...»:

Սյունեցին հավանաբար տեղյակ չի եղել նախորդ խմբագրության, որովհետև որևէ պատճառ չկար, որ նա Օձնեցու անունը դուրս թողներ շարականագիրների ցանկից:

Այս հանգամանքը մտածել է տալիս, որ մինչև այս եղել են նաև այլ խմբագրություններ, գուցե ավելի անկատար, քան մեզ հասածները: Պետք է ենթադրել նաև, որ եղած

<sup>5</sup> Մ. Օրմանյան. Ազգապատում, հտ. Բ, էջ 837:

<sup>6</sup> Հ. Անասյան, Հայկ. մատենագիտություն, հատոր Ա, նույն տեղում:

<sup>7</sup> Մ. Պողոսյան—«Առ. Սիւնեցի և իր քերթումները», Վենետիկ, 1914, էջ 321:



խմբագրությունները տարածված չեն եղել, այլ դրանք կցվել են այս կամ այն Շարակնոցին միայն և ոչ թե ընդհանրապես բոլոր Շարակնոցներին: Սյունեցու ոտանավորից մեջբերված քառատողի վերջին երկու տողերից երևում է, որ նա հնարավոր է համարում այլ շարականագիրների գոյությունը, սակայն նա չգիտի՝ «վանուանս նոցին»: Ասենք նաև, որ, թե նախորդ հեղինակներն իրենց արձակ և չափածո ներբողներում շարականների հետ հիշատակում են նաև շարականագիրների անունները, ապա Առաքել Սյունեցին իր ոտանավորում հիշատակում է միայն շարականագիրների անունները, այն էլ՝ պակասավոր: Այսպես, բացի Օձնեցուց, Սյունեցին չի հիշատակում Յովհան Մանդակունու, Սահակ Չորափորեցու, Գրիգոր Վկայասերի, Ներսես Լամբրոնացու, Սարկավազ Վարդապետի, Խաչատուր Տարոնացու, Հակոբ Կլայեցու և այլ շարականագիրների անունները:

Շարականների հեղինակների վերոհիշյալ անվանացանկը որոշակի փոփոխություններով հետագայում պարզարել է նաև մեր տպագիր Շարակնոցների տիտղոսաթերթերը:

Բացի մեր վկայակոչած հեղինակներից, շարականների ու շարականագիրների՝ այդ թվում նաև Հովհան Օձնեցու մասին հետաքրքիր տեղեկություններ են պահպանվել նաև մեր մի շարք մատենագիրների երկերում: Այս տեսակետից խիստ արժեքավոր է 13-րդ դարի պատմիչ Կիր. Գանձակեցու հետևյալ վկայությունը, որը ի մասնավորի վերաբերում է Օձնեցի Հայրապետին.

«Կարգեալ զընթերցումն սրբոյն Յակովբայ և Կիրղի և վամենայն տոնսն, որպէս կարգեալ էր սրբոյն Գրիգորի, և տօնեցին ի ԻԵ (25) ղեկտմբերի ամսոյ Դաթի Մարգարէին և Յակովբայ առաքելոյն, զոր յայլ ազգս ծննդեան տեառն տօնէին, և երգեաց շարական հարցին՝ «Մեղաք յամենայնին և պատուիրանս քո ոչ պահեցաք, արդ՝ խոստովանիմք առ քեզ», որ մինչև ցայսօր պաշտի յեկեղեցիս հայոց, սկսեալ ի ՃՀԵ (726) թուականէն մինչև ՌՂ (1241) թուականս այժմ յաւուրս մեր է...»<sup>8</sup>:

Գանձակեցու այս տողերից հետևում է, որ Օձնեցին կարգավորել է բոլոր այն տոները, որոնք նախապես սահմանված են եղել Լուսավորչի կողմից:

Սակայն, այդ տոների պաշտման մեջ, Օձնեցու օրոք տեղ էին գտել որոշակի անկարգություններ և անհարապատ ու օտար նորամուծություններ:

Վերոհիշյալ անկարգությունների մասին

նախանձախնդիր Հայրապետը հանգամանորեն անդրադառնում է իր նշանավոր «Ատենաբանության» մեջ, ցույց տալով միաժամանակ, որ դրանք ոչ միայն աշխարհիկ, այլև հոգևոր դասի շրջանակներից ներս էին սուղոսկել:

Օձնեցին ձգտում է վերացնել այդ օտարաւուտ ու խորթ ծեսերը և միակերպություն վերահաստատել հայ եկեղեցիներում՝ Սուրբ Գրքի երգերի, աղոթքների ընթերցումների ու քարոզների մեջ: Առաքելաշափող Հայրապետը պահանջում է Հայաստանյայց Եկեղեցվո հայրապետադրոշմ ազգային նախավանդ ծեսերի ու սովորությունների անխախտ պահպանում և հորդորում է՝ «Կանոնական սահմանադրութեամբ ըստ իւրաքանչիւր զխոց՝ յհիմնեցուցեալ վանկարգութիւնն քակել և ի բաց հանել յեկեղեցոյ Աստուծոյ, և փոխանակ նոցա, զվայելուչսն և զօգտակարագոյնսն ի տեղւոջն արձանացուցանել»<sup>9</sup>: Օձնեցու բարենորոգչական ջանքերի մասին խիստ արժեքավոր տողեր ունի 10-րդ դարի պատմիչ Հովհ. Դրասխանակերտցին: Վերջինս, կարելի է ասել, միակ մատենագիրն է, որն իր պատմության մեջ երկու էջ տրամադրել է Օձնեցու կյանքին ու գործունեությանը: Նրանից հետո եկող մեր մատենագիրները կրկնել են նրա ասածները:

«Մեծ իմաստասերն Յովհան, գրով դրոշմեալ տայ Եկեղեցոյ Քրիստոսի վրովանդակ կարգաւորութիւնս պաշտման ժամուց, գեղեցիկ իմն յօրինուածով ճոխացուցեալ և բացայայտեալ ևս զմիոյ միոյ կարգացն զմեկնութիւնս, ի միխթարութիւն կղերց եկեղեցւոյ...»<sup>10</sup>:

Բավարարյուն Հովվապետի հեղինակությանը, նրա բարենորոգչական ջանքերին անդրադարձել են նաև Ստ. Ասողիկը, Վարդան Արևելցին, Մխ. Այրիվանեցին, Ստ. Օրբելյանը, Գրիգոր Տաթևացին և ուրիշ մատենագիրներ:

Օձնեցու մասին առանձին պատկառանքով է արտահայտվում «Յայսմատուրք»-ը, որից մենք նպատակահարմար գտանք քաղել այն տողերը միայն, որոնք վերաբերում են խնդրո առարկա չորս ավագ տոների կարգը Օձնեցուն վերագրելու հարցին:

«Կարգեաց զչորեսին տօնսն Կարապետ ծննդեան տօնին ի փառս Քրիստոսի»<sup>11</sup>:

Բավարարվելով Օձնեցուն վերագրվող տոների վերաբերյալ մատենագրական այս վկա-

<sup>9</sup> Հ. Օձնեցի—«Ատենաբանութիւն», ԺԶ:

<sup>10</sup> Հ. Դրասխանակերտցի, Պատմ. հայոց, Մոսկվա, 1833, էջ 57—58:

<sup>11</sup> Գիրք որ կոչի Այսմատուրք ՌՃՀԹ. էջ 66Ժ, Ապրիլ ԺԷ:

<sup>8</sup> Կիր. Գանձակեցի, Պատմութիւն հայոց, Երևան, 1961, էջ 69:



յակոչումներով՝ այժմ տեսնենք և ծանոթանանք այդ տոների ու նրանց շարականների մի քանի հարցերին:

Ավագ կամ մեծ տոները, որ Հայաստանյայց Եկեղեցին պատշաճ հանդիսավորությամբ կատարում է դեկտեմբերի վերջին շաբաթվա մեջ, ունեն հետևյալ հերթականությունը.

Ա. Կանոն Դավթի Մարգարեին և Յակովբայ առաքելոյն:

Բ. Կանոն Սրբոյն Ստեփաննոսի Նախավկայի:

Գ. Կանոն գլխաւոր Առաքելոյն Պետրոսի և Պողոսի:

Դ. Կանոն Որդւոյն Որոտման՝ Սրբոց Առաքելոյն Յակովբայ և Յովհաննո:

Վերոգրյալ այս տոները Հայաստանյայց Եկեղեցին կատարում է իբրև Քրիստոսի հրաշափառ ծննդան նախորդող տոներ, և, ինչպես տեսանք, Գանձակեցու վկայության համաձայն, դրանք կարգավորվել են Օձնեցու կողմից և 726 թվականից սկսյալ դրվել կայուն գործածության մեջ:

Առաջին տոնը Դավթի Մարգարեի և Հակովբոս Տյառնեղբայր առաքյալի տոնն է:

Կանոն Դավթի Մարգարեին և Յակովբայ Առաքելոյն.

Օրհ. Դ2. դրձ. ծանր. Յաղթող զըտաւ.. (2 պատկեր 6 տուն):

Հրց. Դ2. մեղաք յամենայնի...

Մեծ. Դ2. խորանայարկ կամարանըման... (վերափոխման կանոնից է)

Ողորմ. Դ2. անըսկիպքն Աստուած լոյս ի լուսոյ...

Տր. Դ2. երդուաւ տէր Դավթի...

Մնկ. Դ2-դրձ. Օրհնեցէք ըվտէր...

Առաջինն է տոնվում այս տոնը չորս մեծ տոներից, որովհետև Քրիստոս Դավթի ցեղից էր, և, ինչպես տեսնում ենք Ղուկասի սովետարանում, Գաբրիելը Կույս Մարիամին բերած իր ավետիսում ասում է.

«...Եւ տացէ նմա տէր Աստուած վաթոռն Դավթի հօր նորա և թագաւորեացէ ի վերայ տանն Յակովբայ ի յաիտեան...»<sup>12</sup>:

Կանոնի օրհնության, հարցի և մյուս երգերի մեջ շարականագիրը գեղեցիկ ու պարզ լեզվով, հենվելով Սուրբ Գրքի պատմության վրա, պարբերաբար երգում է Աստվածահայր Դավթի և Արդարն Հակովբի աստվածահաճո և ուսանելի վարքի մասին:

Օրհնությունը, որը Դ2 դարձված է, երգվում է ծանր ու հանդիսավոր:

Պետք է նշել, որ մեզ հասած այդ Դ2 դարձվածի տարբերակը միակն է Շարակնոցում իր տեսակի մեջ և նման չէ նույն ձայ-

նեղանակի մեզ ծանոթ ո՛չ մի դարձվածի: Օրհնությունը, ինչպես և մյուս կանոնների օրհնությունները, բաղկացած է վեց տներից: Ողջարության արժանի է Օրհնության Գ տունը.

«Սա եղև գլուխ առաքելոց սըրբոց, եւ կոչեցաւ եղբայր տեառն ի տանէ Դավթի. ըվնա արասցուք բարեխօս...»<sup>13</sup>:

Հայտնի է, որ Դավթի Մարգարեին տոնակից այս առաքյալը յոթնասնից էր, այս մասին վկայում է նաև «Յայամաուրք»-ը՝ ապրիլի 17-ին:

Հակովբոսին ընծայված այս պատիվը՝ իբր «գլուխ առաքելոց», բավականին վեճերի առիթ է տվել: Մեր կարծիքով՝ այն կարելի է բացատրել հետևյալ հանգամանքներով: Նախ՝ նա «Տեսնեղբայր» էի կոչվում, երկրորդ՝ նա կարգվեց իբրև առաջին եպիսկոպոս Երուսաղեմի առաքելահիմն Աթոռի և երրորդ՝ նա եղավ առաքյալների մեջ առաջին նահատակվողը՝ գլխաւոր առաքյալը: Բացի այդ, նա առաքյալների կողմից վայելում էր մեծ հարգանք ու պատիվ:

Այս մասին հիշատակություն կա «Գործք Առաքելոց» գրքում՝ Պողոս Առաքյալի Երուսաղեմ գալու առթիվ:

«Ի վաղի անդր եմուտ Պաւղոս ընդ մեզ առ Յակովբոս...»<sup>14</sup>:

Այս Հակովբոսին Պողոսը հիշում է նաև Գաղատացվոց ուղղված իր թղթի առաջին գլխում.

«Ապա յետ երից ամաց ելի յԵրուսաղեմ տեսանել ՎՊետրոս, և եղէ առ նմա աուրս հնգետասան, վայլ ոք յԱռաքելոց անտի ո՛չ տեսի, բայց միայն ըվՅակովբոս եղբայր տեառն...»<sup>15</sup>:

Դ2 ձայնեղանակի տարբեր դարձվածներով են հորինված նաև կանոնի մյուս երգերը, որոնց մեջ առանձնապես գեղեցիկ է մանկունքի շարականը՝ «Օրհնեցէք ըվտէր, յօրհնութիւն ի նոր», որն ունի սահուն և հոգեթով ելևէջներ, գեղեցիկ խաղեր, լայն ու շքեղ հորինվածք՝ հար և նման «Նոր Սիոն», «Կենդանարար Աստուած» Դ2 շարականներին: Կանոնի հիշյալ մանկունքը համարվում է Երուսաղեմի հայոց Ս. Հակոբյանց վանքի հիմնը:

Բանաստեղծական արվեստի տեսակետից, կանոնի «Ողորմեա»-ն և «Տէր յերկնից» շարականները առանձին գրական արժեք չեն ներկայացնում: «Տէր յերկնից»-ի խոսքերը նույնությամբ առնվել են 132-րդ սաղմոսից և վերածվել երգի: Ահա այն.

<sup>13</sup> Շարական. Վաղարշապատ, 1888, էջ 60:

<sup>14</sup> Գործք — ԻԱ 18—19:

<sup>15</sup> Գաղատացւոց, Ա գլ. 19:

<sup>12</sup> Ղուկաս — Ա գլ. 32:



«Երդուաւ տէր Դաթի ճշմարտութեամբ և ոչ ստեաց նմա, ի պտղոյ որովայնէ՝ նորա նստուցանել ի յարոռ նորա...»<sup>16</sup>:

Ասենք, որ քրիստոնեւոյան առաջին դարերում, հոգևոր երգաաւանդոյան մեջ սաղմոսներից կցորդներ կազմելու սովորւոյթները խիստ տարածված է եղել, անկասկած, ըստ պատշաճի երգերի բացակայոյթան պատճառով: Ուստի բնավ էլ վարմանալի չէ, որ Օձնեցին ևս կարող էր պատրուէն օգտուել սաղմոսներից՝ կազմելով կցորդներ:

Բ. Կանոն սրբոյն Ստեփաննոսի Նախավկային:

Օրհնութիւն ԳԿ. Նահատակ բարի...

Հարց Գ2. Ընդ երկնային...

Մեծ. Գ2. Աստուածածին երկնային...

Ողորմեա ԳԿ. Առաքեալ ի մեզ...

Տէր յերկնից ԳԿ. Ով երջանիկ...

Մանկունք ԴԿ. Նախասարկաւագ

ձաջու ջրկ. ԴԿ. «Յընծայ այսօր...

Կանոնի օրհնութիւնը՝ «Նահատակ բարի».

բաղկացած է երկու պատկերից, որոնցից առաջինը ունի ԳԿ ծանր և հանդիսավոր եղանակ, 3 տներից բաղկացած, իսկ երկրորդը՝ «Որ ընտրեցար ի կոչումն», նույնպէս ԳԿ ձայնեղանակով է հորինված, բայց երգվում է ավելի շարժուն ու հորդոր: ԳԿ.ի այս դարձվածով է երգվում նաև Կանոնի «Տէր յերկնից»-ը՝ «Ով երջանիկ ճառագայթ»:

Կասկածից վեր է, որ այս երկու գոհարները պատկանում են միևնույն հեղինակի գրչին:

Կանոնի օրհնութիւնը կցված է նաև մի երրորդ պատկեր «Առաքեալս նախավկայ» հորինված ԴԿ ձայնեղանակով, բաղկացած 5 տներից: Այս վերջինը, մեր կարծիքով, հորինվել է մեկ այլ շարականագրի կողմից հետագա դարերում:

Գեղեցիկ է Կանոնի հարցը, որն անհրաժեշտ ենք համարում մեջբերել ամբողջութամբ.

ա. Գ2. «Ընդ երկնային հոգեղինաց դասսն, այսօր տօնենք ըպիշատակ սրբոյն Ստեփաննոսի,

բարեբանելով ըզքեզ տէր Աստուած հարցն մերոց»:

բ. «Որ հրեշտակակերպ տեսեամբ արիաբար պատերազմեալ

պքարկոծումըն յանձն էառ.

խոստովանելով ըզքեզ Քրիստոս Աստուած...»:

գ. «Որ անպարագրելի աստուածութեանդ տեսող և բարեխօս իր ուխտաւորաց, այսօր յիշատակաւ սրբոյն Ստեփաննոսի գովենք ըզքեզ Քրիստոս...»:

գործք.

դ. «Որ յերկնային պօրացն միշտ օրհնի Քրիստոս աստուած,

այսօր յիշատակաւ սրբոյն Ստեփաննոսի ըզտէր օրհնեցէք և բարձր արարէք...»:

ե. «Հրաշալի աստուածաբանութեամբ սրբոյն Ստեփաննոսի,

քահանայք ընդ վերին պօրացն երկնից

վՔրիստոս գովեցէք...»:

Հայաստանյայց եկեղեցւո գեղեցիկ ու շքեղագոյն շարականներից մեկն է այս, իբրև գեղարվեստական խոսքի և մեղեդու վարմանալի մի միասնութիւն: Ասենք նաև, որ մեր Շարակնոցում ընդամենը չորս հարցեր կան, որոնք հորինված են Գ2 դարձվածի ծանր այս եղանակով, դրանք են՝

Փրկչի հրաշափառ ծննդյան կանոնի հարցը («Անըսկիպն էակից բանըդ Հօր»).

Մեծի ուրբաթի կանոնի հարցը («Իջեր յերկնից անըսկիպն Որդի»).

Հակոբ Մօքնա Հայրապետի կանոնի հարցը («Սուրբ ես տէր»).

Ստեփաննոսի կանոնի հարցը («Ընդ երկնային»):

Այս հարցերը թեև Գ2 դարձված ձայնեղանակով են հորինված, սակայն յուրաքանչյուրն ունի նյութի և բանաստեղծական խոսքի ինքնատիպ նկարագիր, ինչպէս նաև մեղեդային որոշակի ինքնուրույն պարզացում, Ստեփաննոսի կանոնին մաս կազմող մնացած երգերը բոլորն էլ ունեն ընտիր ու վսեմ ոճ և կազմում են մի ամբողջութիւն՝ մի կատարյալ և անպուգական կանոն՝ Նախավկա Սարկավագի հավիտենական հիշատակին արժանի:

Կանոնի և նրա երգերի համար աղբյուր է հանդիսացել «Գործք առաքելոց» գրքի է գլխում եղած գեղեցիկ և հուպիչ պատմութիւնը:

Սակայն յուրաքանչյուր երգի տողում մենք տեսնում ենք շարականագիր Հայրապետի բանաստեղծական նրբագոյն ճաշակը, նրա աստվածաբանական ու դավանաբանական խոր հմտութիւնը:

գ. «Կանոն գլխաւոր առաքելոցն Պետրոսի և Պողոսի»

Գ. Օրհ. Դ2. «Յնծայ այսօր եկեղեցի աստուծոյ...»

Մեծ. Դ2. «Աստուածածին գերագոյն երկնից...»

Հրց. Դ2. «Որ խոստացար տալ ըզփակաւնըս...»

Ողր. Դ2. «Ամուլք հաւատոյ...»

Տր. Դ2. «Երանելի սուրբ Առաքեալքն...»

Մնկ. ստ. ԴԿ. «Որ արփիահրաշ լուսոյ ծագւամբ...»

Հմբ. ստ. ԴԿ. «Որ անպարագիրն է յեութեան...»:

Մինչև կանոնի երգերի քննարկմանն անց-

<sup>16</sup> Սղմ. ՃԼԲ. 11—12:



ները, ուսում ենք մեջքերել Կ. Գանձակեցու վկայությունը այս և «Որդոց որոտման» կանոնի մասին, ըստ որում՝ «Պետրոսի և Պողոսի օրհնությունն և մանկունքն և համբարձին՝ որոյ սկիզբն է այս. «Տնծա՛ր այսօր եկեղեցի Աստուծոյ յիշատակաւ սուրբ առաքելոցն»... և «Որդոցն որոտման օրհնութիւն՝ «որ էն յեութեան որդի միշտ էէն...»<sup>17</sup> հորինել է Ներսէս Շնորհալին:

Ինչպէս արդեն ասացինք մեր հոգվածի մկրտում, մենք հենվում ենք եկեղեցական ավանդության վրա, և այդ տեսանկյունով էլ ավագ տոների կարգը վերագրում Օձնեցու գրչին: Հնարավոր է, որ Շնորհալին ամբողջացրած լինէր հիշյալ չորս կանոնները և կամ հորինած լինէր մի նոր օրհնություն կամ կանոնի երգերից մեկը կամ մի քանիսը:

Այժմ քննենք Պետրոսի և Պողոսի կանոնը: Կանոնի օրհնության մեջ շարականագիրը հավատացյալներին հրավիրում է մասնակցելու գլխավոր առաքյալների՝ Պետրոսի և Պողոսի մեծահանդես տոնախմբությանը:

Ե՛վ օրհնության, և՛ հարցի մեջ հեղինակը մասնավորաբար շեշտում է Պետրոսի գլխավորությունը առաքելական խմբի մեջ, անվանելով նրան՝ «վեմ հաւատոյ», «վեմ անվանելի ի դրանց դժոխոց», «գլուխ սուրբ հաւատոյ, հիմն եկեղեցոյ»: Պետրոսի գլխավորության մասին Ավետարանից վկայակոչված այս անվանումները, որ կատարել է սրբապան շարականագիրը, ի չարս են օգտագործվել Մխիթարյան մի քանի հայրերի կողմից: Այսպէս, հայր Միքայել Չամչյանը իր «Պատմութիւն հայոց» սովորածավալ և արժեքավոր աշխատության Բ հատորում ավելի քան 100 էջ է տրամադրել Հովհան Օձնեցու կյանքին ու գործունեությանը, անդրադարձել է նաև Օձնեցու շարականներին, նպատակ ունենալով ապացուցելու՝

«Թէ սա ոչ երբեք հակառակ ինչ գրեալ է ընդդէմ Քաղկեդոնի սուրբ ժողովոյն...»:

«Իսկ զորս խօսի սոյն այս Յովհան Հայրապետ ի շարականի վասն գլխաւորութեանն Պետրոսի՝ առաւել է քան վամենայն, և մարթ է ասել՝ թէ ո՛չ ոք ի Հայրապետաց այնչափ մեծացոցեալ իցէ վիշխանութիւն Պետրոսի, որպէս սա՛ յասելն վնմանէ. «Որ վեութիւն անձառելոյ միածնին՝ յայտնութեամբ Հօր ի վերուստ դաւանեալ, և երանական արժանացեալ շնորհի, վեմ անվանելի ի դրանց դժոխոց...»<sup>18</sup>:

Չամչյանը տասը հոդվածների միջոցով ի վերջո համզում է այն եզրակացության, թէ՛

«Յովհան Հայրապետ, յաջորդն Եղիայի, ունէր զդաւանութիւն Քաղկեդոնի սուրբ ժողովոյն, և միաբան էր ընդ քաղկեդոնականս, և թէ ոչ եղև նա բարձող ջրոյն ի պատարագէ...»<sup>19</sup>:

Բազմավաստակ պատմաբանը իր ասելիքն ավելի համոզիչ դարձնելու համար վկայակոչում է Կղեմես Գալանոսի խոսքերը Օձնեցու մասին:

Գալանոսի թունալից խոսքերը չենք ուսում կրկնել այստեղ, որովհետև դրանք խիստ անպարկեշտ արտահայտություններ են, և մեր նյութի սահմաններից դուրս է անդրադառնալ այդ հարցին:

Սակայն, «Քաղկեդոնի սուրբ ժողովի դավանություն ունեցող» այս Հովհան Հայրապետի ջանքերով էր, որ վերացավ այդ պիղծ աղանդի գոյությունը հայոց մեջ, որն սկիզբ էր առել դեռևս Եփր կաթողիկոսի օրոք: Այս հարցի շուրջ մեր խորհրդածություններն ուսում ենք ամփոփել Ստ. Օրբելյան պատմիչի հետևյալ տողերով.

«...Ձի հայք կացին ի նոյն յաղանդն յաւուրս 6 կաթողիկոսաց ամս 85, մինչ ի բազմեղջանիկ և գովելին վաւակն վարդու սուրբ եկեղեցոյ Յովհան Օձնեցին, և ի ձեռն նորա սրբեալ և նորոգեալ եղեն հայք յայնմ աղանդոյ»<sup>20</sup>:

Այժմ վերադառնանք Պետրոսի և Պողոսի կանոնին:

Եթե օրհնության և հարցի մեջ շարականագիրը հիմնականում Պետրոսի գլխավորության խնդիրն է շեշտում, այլ է պատկերը կանոնի մյուս երգերում: Այստեղ արդեն խոսվում է երկու գլխավոր առաքյալների ավետարանական գործունեության, նրանց նահատակության ու Քրիստոսին խաչակից լինելու և այլ հանգամանքների մասին:

Ուշադրության արժանի են հատկապես կանոնի մանկունքն ու համբարձին: Մնկ. ԴԿ. 100.

«Որ արփիահիրաջ լուսոյ ծագմամբ պայծառացոյց ըզտիեպերս անձառապէս լոյսն,

որ ի Հօրէ առաքեցաւ առաքելական քաւրոպութեամբ

սրբոյն Պետրոսի, հրաւիրելով ի լոյսն անբստոներն»:

Մանկունքի բոլոր երեք տներում հեղինակը խոսում է Պետրոսի մասին: Իսկ համբարձին, որը գրեթե շարունակությունն է մանկունքի, բացառապես վերաբերում է Պողոսին:

<sup>17</sup> Կ. Գանձակեցի, Պատմ. հայոց, Երևան, 1961, էջ 119:

<sup>18</sup> Մ. Չամչյան, Պատմ. հայոց, Բ հատոր, էջ 576:

<sup>19</sup> Մ. Չամչյան, Պատմ. հայոց, Բ հատոր, էջ 576:

<sup>20</sup> Ստ. Օրբելյան — Պատմ. նահանգին Միսական, Թիֆլիս, 1910, էջ 119:



Հմբ. ԴԿ. ստ. ա. Որ անպարագիրն է  
յետքեան,  
պարածածկեալ արփիափայլ ճառագայթիք  
լոյսն,

որ պայծառ քան պարեգակն արտափայ-  
լեալ շուրջանակի սրբոյն Պօղոսի,  
հրափրելով ի լոյսն անըստուեր:

բ. Որ գերագոյն քերովբէից վերհամբար-  
ձեալ

ի յերբակի խորանս երկնից  
և հրահոսան վըտակացն արբմամբ ըզմայ-  
լեալ,

երրորդութեանն արժանատրելով տեսեան  
ստորքն Պօղոս...

Առաջին իսկ հայացքից կարելի է նկատել,  
որ այս երկու գոհար շարականները միևնույն  
հեղինակի հորինումներն են, երկուսի մեջ էլ  
միևնույն պատկերները, լեզվական և ոճա-  
կան նմանությունները՝ բարձրացված գեղար-  
վեստական խոսքի պատշաճ մակարդակի:

Հեղինակի լեզուն վսեմ ու մաքուր է, գեղե-  
ցիկ է ու հարուստ՝ ճոխացած բանաստեղ-  
ծական արվեստի սքանչելի ու հորդահոսուն  
պատկերներով, համեմատություններով ու  
պարամակի գյուտերով:

Կանոնի երգերը հորինված են ԴՁ և՛  
ալար, և՛ դարձվածներով, բացի մանկունքից  
և համբարձիից, որոնք ԴԿ ստեղի եղանակ-  
ներ ունեն:

Ամենայն հավանականությամբ այս և  
սրանց նման գեղեցկահյուս մեր այլ շարա-  
կանները նկատի ունի 12-րդ դարի մեր երա-  
նաշնորհ Հայրապետներից Գրիգոր Պաղա-  
վունին՝ Շնորհալու ավագ եղբայրն ու նա-  
խորդը, երբ վկայակոչում է եկեղեցական  
հայրերի բարձր կարծիքը Հայաստանյայց Ե-  
կեղեցվո հոգևոր երգերի և օրհնությունների  
մասին.

«Վկայեցին՝ եթե ծանեաք՝ յերգս ձեր և  
յօրհնութիւնս, որ է շարականդ, որ առ Աստ-  
ուած ճշմարիտ հաւատոյ ձերոյ ուղղափառ  
դաւանութեան»<sup>21</sup>:

Դ. դ. Կանոն որդուցն որոտման՝ սրբոց առա-  
քելոցն Յակովբայ և Յովհաննու.

Օրհն. ԴԿ. Որ էն յետքեան որդի միշտ յէեն.

Հրց. ԴԿ. Որ վամենայնքն յոչընչէ արա-  
բեր...

Մեծ. ԴԿ. Աստուածածին ամպ լուսա-  
ւոր...

Ողբ. ԴԿ. Որդիքն որոտման...

Տեր. ԴԿ. Հոգի իմ կանխէ.

Մեկ. և հմբ. ԴԿ. ստ. Որ յանըստուեր ի  
լոյսն...

«Որ էնն յետքեան որդի միշտ յէեն,  
Անեղանելի ծնունդ հայրական,

վոր ի վերուստ հնչեցին որդիքն որոտման,  
և յայտնեցին որդուց մարդկան զծածկապէս  
խորհուրդ:

...Որ վանտեսդ լիից վոյսդ անտանելի  
պարագրեալ մարմնով ծածկեցեր,  
վոր ի լերինն արտափայլեալ տեսին որդի-  
քնն որոտման,

և մաքրեցան անճառ տեսեամբ գերապանծ  
լուսոյն...»:

Կանոնի օրհնության այս տներում, ինչ-  
պէս նաև մյուս երգերի մեջ շարականագիրը  
խոսում է Փրկչի մարդեղության գաղտնա-  
ծածուկ խորհրդի մասին, խորհուրդ, որն ան-  
հասանելի և անըմբռնելի էր մարդկանց հա-  
մար, ըստ որում՝ Որդին, որ էակից էր մըջ-  
տընջենական Հօր և անեղ ծնունդն էր հայ-  
րական», աստվածային տեսչությամբ դրան  
ականատես եղան որդիքն որոտման և հայտ-  
նապէս քարոզեցին աշխարհին այդ խորհուր-  
դը:

Հակովբոս և Հովհաննես տեսան նաև  
գերապանծ լուսը Թաբոր լեռան վրա՝ Քրիս-  
տոսի պայծառակերպության պահին և մա-  
քըրվեցին այդ գերապանծ լույսի անճառ  
տեսլամբ:

Կանոնի յուրաքանչյուր երգի տողերի մեջ  
արտափայլում է շարականագիր Հայրապետի  
բանաստեղծական նուրբ ու բարձր ճաշակը,  
Սուրբ Գրքի, Եկեղեցու, աստվածաբանական  
ամենաբարդ խնդիրների մասին նրա ունե-  
ցած խոր հմտությունը:

Նորից ու նորից նա հիացնում է իր լեզվի  
պարպությանը, սահունությանը, մաքրությանը,  
գեղեցկությանը ու ճոխությանը:

«Որդուց որոտման» կանոնն աչքի է ընկ-  
նում նաև մեղեդային կոտն ամբողջականու-  
թյամբ: Կանոնի բոլոր երգերն անխտիր հո-  
րինված են վերջձայն (ԴԿ) ձայնեղանակի  
ամենագեղեցիկ դարձվածներով: Այս տեսա-  
կետից առանձնապես ախորժալոր է կանոնի  
«Տեր յերկնից»-ը.

«Հոգի իմ կանխէ առ քեզ, Աստուած,  
որ ծագեցեր ըլլոյս հրամանի քո յաշխարհս  
ընտրելովք քո առաքելովք,  
վասըն սոցա, կեցո՛ր ըզմեզ»:

Գեղեցիկ է նաև կանոնին իբրև մեկ. և  
համբարձի կցված ստեղին՝ «Որ յանըստուեր  
լուսոյն»... Այս ստեղծի լեզուն նույնպես հա-  
րուստ է ու պատկերավոր: Բոլոր երեք տնե-  
րում շարականագիրը բանաստեղծական մեծ  
արվեստով ներբողում է Հովհաննես ավետա-  
րանչի սքանչելի ու իրեշտակակերպ նկարա-  
գիրը՝ համեմատելով նրան կրակով մաքըր-  
ված ոսկու հետ, իսկ սրբերի մեջ նա լուսա-  
պարզված է, ինչպես արեգակը՝ աստղերի  
մեջ:

Մեկ. Ստ.

<sup>21</sup> Գ. Ավետիքյան, Բացատր. շարականաց. ԺԳ:



ԴԿ. «Որ յանձնատուեր ի լուսոյն ընկալար ըզծագումըն շնորհաց, ո՛վ երանելի տեր Յովհաննէս, և հրաշալարդ զըտար յերջանիկ դասս առաքելոցն.

Հայցեա՛ ի Տեառնէ՛ պթողութիւն յանցաւաց...

Որ փարեցար ըզսարսափելի պարանոցան վանմատոյց ի լուսոյն, և մաքրեցար որպէս պոսկի,

ի հուր, լուսավարդեալ երևցար ի մէջ սըրբոցն,

որպէս յաստեղս՝ արեգակն. հայցեա՛...

Որ կենդանի աղբերէն արբեր ըզբղխումըն շնորհաց,

ե՛ ի թևս հոգւոյն, հոսեր յանիմանալին.

աւետարանեցեր մըշտընջենատրակից Հօր պէակից Որդին. հայցեա՛...

Ահա չորս մեծ տոների կարգը, որը եկեղեցական ավանդությունը, ինչպես նաև մատենագրական արժանահավատ աղբյուրները հնուց ի վեր վերագրել են Հովհան Օձնեցի իմաստասեր Հայրապետին, որն իր հովվապետության 11 տարիների ընթացքում ամենայն նախանձախնդրությամբ և համարձակ ձեռներեցությամբ հոգ է տարել Հայաստանյայց Առաքելական Եկեղեցվո պաշտամունքային կարգավորությանը՝ ոչ միայն արմատավորել է ու կայունացրել կանոնի կարգը մեզանում, այլ նաև հորինել կամ վերերգել է տերունի ու սրբոց տոների համար պատշաճ երգեր ու շարականներ:

Հովհան Մանդակունի Հայրապետից հետո, Օձնեցին է վերստին կարգավորել ու խմբագրել մեր Շարակնոցը, որը քիչ փոփոխություններ չի կրել մինչև Ներսես Շնորհալի Հայրապետի օրերը: Շնորհալին նոր կանոններով ու բազմաթիվ հոգեզմայլ երգերով ու շարականներով ճոխացրել և ապա նորից խմբագրել է Շարակնոցը, որի վերջին կարգավորությունը կատարել է Գր. Տաթևացի տիեզերալույս վարդապետը:

Մեծ է Օձնեցու հեղինակությունն ու հմայքը Հայաստանյայց Եկեղեցվո ուղղափառ վարդապետության, Հայ Եկեղեցվո պատմության և հայ մատենագրության մեջ:

Հայաստանյայց Եկեղեցին իր ազգային սրբերի կարգին է դասել Օձնեցի Հայրապե-

տին և նրա հիշատակը տոնախմբում է քառանորդական պահոց չորրորդ շաբաթ օրը՝ Յովհան Որոտնեցի և Գրիգոր Տաթևացի մեծ վարդապետների հետ միասին:

Հետաքրքիր է նշել նաև, որ Օձնեցու տոնի համար հորինվել է հատուկ մի մանկունքի շարական ԴԶ. որը, սակայն, հետագայում համարվել է պարականոն և դուրս է մնալ կանոնական շարքից: Բայց այդ շարականի միայն առաջին տունն է Օձնեցի Հայրապետին վերաբերում, իսկ հաջորդ երկու տները ձոնված են Հովհաննես առաքյալին: Միայն շարականը.

Մկ. ԴԶ.

Շարական սուրբ առաքելոյն Յովհաննու և Օձնեցոյն<sup>22</sup>:

«Ծագումն արևու արևելեան ճառագայթ ի տան Թորգոմայ, ի գերազանց լուսոյն մեզ առաօտ սուրբ Յովհաննէս.

ջահ անջիջանելի Հայոց Հայրապետ...»:

Օձնեցու վարքի մասին առանձին օր է տրամադրված նաև «Յայսմաւորք»-ում՝ ապրիլի 17-ին, և վերջապես Օձնեցին հիշատակված է նաև ձեռնադրության մաշտոցում, որտեղ ձեռնադրող եպիսկոպոսը ընծայալին սրբոց թարգմանչաց վարդապետաց աշակերտելու պարտադիր խոստովանությունից հետո ավելացնում է. «Աշակերտիս սրբոյն Յովհաննու Օձնեցոյն, Յովհաննու Որոտնեցոյն և աշակերտի նորին Գրիգորի Տաթևացոյն»<sup>23</sup>:

Այսօր, ավելի քան 12 երկար ու ձիգ դարեր են անջրպետում մեզ Օձնեցի փառապաշտ Հայրապետի դժվարին ժամանակներից: Հայաստանյայց Եկեղեցին և հայ ժողովուրդն անցած այդ դարերի ընթացքում ենթարկվեցին բազում ծանր փորձությունների, սակայն միշտ հավատարիմ մնացին, աշակերտեցին և հետևեցին Օձնեցուն և երջանկահիշատակ սուրբ հայրերի լույս հավատքին ու տեսիլքներին, նրանց անպարագրելի հայրենասիրության ու աստվածահաճ գործին:

«Յիշատակն արդարոց օրհնութեամբ եղիցի»:

<sup>22</sup> Ս. Ամատունի—Հին և նոր պարականոն անվաներ շարականներ, 1911, էջ 156:

<sup>23</sup> Յայսմաւորք, էջ ԵՃԵ:

